

Naalakkersuisut inuit tarnimikkut nappaatillit suliniuteqarfigineqarnerat pitsanngorsarniarlugu nunamut tamarmut atuuttussamik iliuusissatut pilersaarummik UKA2021-mut saqqummiusseqqunerannut Inatsisartut aalajangiiffigisassaattut siunnersuut.

(Inatsisartunut ilaasortaq, Mikivsuk Thomassen, Inuit Ataqatigiit)

Akissuteqaat

(Peqqissutsimut Naalakkersuisoq)

Aappassaaneerineq

Naalakkersuisut inuit tarnimikkut nappaatillit suliniuteqarfigineqarnerat pitsanngorsarniarlugu nunamut tamarmut atuuttussamik iliuusissatut pilersaarummik UKA2021-mut saqqummiusseqqunerannut siunnersuummut isumaliuutissiissutigineqartoq pillugu Naalakkersuisut Ilaqtariinnermut Peqqissutsimullu Ataatsimiititaliamut qujapput.

Siullermeerinninnermi iliuusissatut pilersaarut UKA2022-mi saqqummiunneqarnissaanut Naalakkersuisut allannguutissatut siunnersuummik saqqummiussipput, kisiannili ataatsimiititaliap siunnersuutip siulliup akuersissutigineqarnissaanik inassuteqarnera tusaatissatut tigullugu.

Naalakkersuisut iliuusissatut pilersaarut pillugu oqartussaasoqarfiit assigiinngitsunik suliallit akornanni aammalu ingerlataqarfiit akornanni aaqiisoqarnissaa pillugu annertuumik piumasqaateqartoqarneranik siunnersuuteqartumut isumaqataapput. Tamatumap saniatigut Kalaallit Nunaanni inuit tarnimikkut nappaateqartut sullilluarneqarnissaannik kissaateqarnermut Naalakkersuisut isumaqataapput.